



SAOPŠTENJE ZA JAVNOST

Potvrđena optužnica i produžen pritvor licu G.L. zbog dvostrukog pokušaja ubistva, izazivanja opšte opasnosti, te neovlaštene nabavke i držanje oružja

(Brčko, 17.10.2025. godine)

Osnovni sud Brčko distrikta BiH potvrdio je optužnicu i produžio pritvor lica G.L. (24)* iz Brčkog, zbog postojanja osnovane sumnje da je izvršio krivična djela dvostrukog "Ubistva" u pokušaju, "Izazivanje opšte opasnosti" i „Neovlaštena nabavka, držanje ili prodaja oružja ili bitnih dijelova za oružje“.

Ovom optužnicom licu G.L. (24)* iz Brčkog na teret se stavlja da je u večernjim satima dana 11. aprila 2025. godine ispred ugostiteljskog objekta u naselju Grbavica u Brčko distriktu BiH nakon fizičkog napada na lica B.B., N.B i M.B. iz vatrenog oružja za koje nije posjedovao dozvolu ispalio više hitaca u namjeri izvršenja ubistva navedenih lica, čime je pokušao drugog lišiti života, izazvao opasnost po život ljudi i bez važeće isprave držao oružje i bitne dijelove za oružje kategorije „B“.

Istovremeno sa podizanjem ove optužnice, Tužilaštvo Brčko distrikta BiH je smatrajući da još uvijek postoji opravdana bojazan da bi optuženi boravkom na slobodi mogao ponoviti ili dovršiti krivična djela, a za koja se može izreći kazna zatvora tri godine ili teža kazna, podnijelo nadležnom sudu prijedlog za produženje pritvora u kojem se lice G.L. već neprekidno nalazi od 14. aprila 2025.godine.

Cijeneći da su u potpunosti ispunjeni opšti i posebni pritvorski razlozi, Osnovni sud Brčko distrikta BiH je produžio pritvor licu G.L. koji po Rješenju ovog suda od 10.10.2025. godine može trajati najduže dvije godine, shodno članu 137. stav 2. tačka c) Zakona o krivičnom postupku Brčko distrikt BiH, s tim da će se kontrola opravdanosti pritvora vršiti po isteku svaka dva mjeseca od dana donošenja rješenja o pritvoru.

U daljem toku ovog krivičnog postupka, očekuje se zakazivanje ročišta za prethodno saslušanje, odnosno ročišta za izjašnjenje o krivici optuženog lica.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**